

## Član 5.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-30/4  
25. februara 2004. godine  
Sarajevo

Predsjedavajući  
Općinskog vijeća  
**Esad Jelešković, s. r.**

Na osnovu člana 23. Zakona o prostornom uređenju ("Službene novine Federacije BiH", broj 52/02) i čl. 32. i 73. Statuta Općine Novi grad Sarajevo ("Službene novine Kantona Sarajevo", broj 13/01 - prečišćeni tekst), Općinsko vijeće Novi grad Sarajevo, na svojoj 42. sjednici održanoj dana 25. februara 2004. godine, donijelo je

**ODLUKU****O PRISTUPANJU IZRADI URBANISTIČKOG  
PROJEKTA "DJEČIJA IGRALIŠTA NA C FAZI  
NASELJA ALIPAŠINO POLJE"**

## Član 1.

Pristupa se izradi Urbanističkog projekta "Dječija igrališta na C fazi naselja Alipašino Polje" (u daljem tekstu: Urbanistički projekat).

## Član 2.

Granica obuhvata Urbanističkog projekta počinje od tačke 1. između Trga nezavisnosti i Bosanske ulice, ide ivičnjakom zapadno u dužini od 80 m do tačke 2, lomi se pod uglom od 90 stepeni ide ivičnjakom pješačke staze južno u dužini od 100 m do tačke 3, gdje se lomi ponovo pod uglom od 90 stepeni i ide istočno dužinom od 70 m a sve ivičnjakom pješačke staze do tačke 4, odakle ide ivičnjakom pješačke staze jugoistočnom stranom u dužini od 40 m do tačke 5, dalje nastavlja desnom stranom pješačke staze u dužini od 65 m i dolazi do početka odakle je ovaj opis i započeo.

Ukupna površina obuhvata iznosi 0,85 ha.

## Član 3.

Cilj pristupanja izrade Urbanističkog projekta je stvaranje uslova da se na predmetnom lokalitetu izgrade dječija igrališta.

## Član 4.

Rok za izradu Urbanističkog projekta je 4 mjeseca od dana objavljivanja ove odluke u "Službenim novinama Kantona Sarajevo".

## Član 5.

Sredstva za podloge potrebne za izradu Urbanističkog projekta osigurat će Općina Novi grad Sarajevo.

## Član 6.

Nosilac pripreme Urbanističkog projekta je načelnik Općine Novi grad Sarajevo (u daljem tekstu: nosilac priprema).

Nosilac izrade Urbanističkog projekta je Zavod za planiranje razvoja Kantona Sarajevo (u daljem tekstu: nosilac izrade).

## Član 7.

Izradi Urbanističkog projekta prethodi izrada Smjernica za pripremanje i izradu Urbanističkog projekta i izrada analitičko-dokumentacione osnove, a verificira ih nosilac pripreme.

## Član 8.

Nosilac priprema izrade Urbanističkog projekta utvrđuje Nacrt urbanističkog projekta, te ga podnosi Općinskom vijeću na razmatranje i stavljanje na javni uvid i raspravu u trajanju od 30 dana.

Na osnovu rezultata javne rasprave o Nacrtu urbanističkog projekta, nosilac pripreme utvrđuje prijedlog urbanističkog projekta i podnosi ga Općinskom vijeću na donošenje.

Uz prijedlog urbanističkog projekta nosilac pripreme dužan je Općinskom vijeću dostaviti, uz obrazloženje prijedloge i mišljenja na Nacrt urbanističkog projekta koji nisu mogli biti usvojeni.

## Član 9.

Subjekti planiranja su: Općina Novi grad Sarajevo, mjesna zajednica i drugi zainteresovani subjekti i potencijalni investitori.

## Član 10.

Utvrđuje se režim zabrane građenja na prostoru koji je obuhvaćen Urbanističkim projektom do njegovog donošenja.

## Član 11.

Sastavni dio ove odluke čini grafički prilog - prostorni obuhvat Urbanističkog projekta prema opisu datom u članu 2. ove odluke.

## Član 12.

Ova odluka stupa na snagu osmog (8) dana od dana objavljivanja u "Službenim novinama Kantona Sarajevo".

Broj 01-02-30/20  
25. februara 2004. godine  
Sarajevo

Predsjedavajući  
Općinskog vijeća  
**Esad Jelešković, s. r.**